



REPUBLIKA E SHQIPËRISË

PROKURORIA PRANË GJYKATËS SË SHKALLËS SË PARË  
E JURIDIKSIONIT TË PËRGJITHSHËM  
ELBASAN

Nr.4917/3 Prot.

Datë 26.05.2023

**URDHËR**

**Nr. 36, datë 26.05.2023**

**PËR MIRATIMIN E PLANIT TË VEPRIMIT PËR MASAT ADMINISTRATIVE DHE PROCEDURALE NË PROKURORINË PRANË GJYKATËS SË SHKALLËS SË PARË ELBASAN PËR ZBATIMIN E REKOMANDIMEVE PRIORITARE NË LUFTËN KUNDËR KRIMINALITETIT PËR VITIN 2023 SIPAS VENDIMIT TË KËSHILLIT TË MINISTRAVE NR.226, DATË 13.04.2023, "PËR MIRATIMIN E REKOMANDIMEVE PRIORITARE NË LUFTËN KUNDËR KRIMINALITETIT PËR VITIN 2023" TË PROKURORIT TË PËRGJITHSHËM:**

Në mbështetje të Kushtetutës së Republikës së Shqipërisë, neneve 21 dhe 42, shkronja "a" të ligjit nr.97/2016 "Për organizimin dhe funksionimin e Prokurorisë në Republikën e Shqipërisë", ligjit nr.7905, dt.21.03.1995 "Kodi i Procedurës Penale", i ndryshuar, ligjit nr.7895, dt.27.01.1995 "Kodi Penal", i ndryshuar, ligjit nr.96/2016 "Për statusin e gjyqtarëve dhe prokurorëve në RSH", Vendimit të Këshillit të Ministrave nr.226, datë 13.04.2023, "Për miratimin e rekomandimeve prioritare në luftën kundër kriminalitetit për vitin 2023", si dhe Urdhërit nr.70 dt. 12.05.2023 "Për miratimin e planit të veprimit për zbatimin e Vendimit të Këshillit të Ministrave nr.226, datë 13.04.2023, "Për miratimin e rekomandimeve prioritare në luftën kundër kriminalitetit për vitin 2023" të Prokurorit të Përgjithshëm:

## URDHËROJ:

1. Miratimin e Planit të Veprimit në Prokurorinë pranë Gjykatës së Shkallës së Parë Elbasan, për zbatimin e Vendimit të Këshillit të Ministrave nr.226, datë 13.04.2023, "Për miratimin e rekomandimeve prioritare në luftën kundër kriminalitetit për vitin 2023", sipas tekstit bashkëlidhur.

2. Për zbatimin e masave të Planit të Veprimit ngarkohen Drejtuesit e Seksioneve, prokurorët dhe oficerët e policisë gjyqësore të të gjitha strukturave, Kancelarja, si dhe nëpunësit e prokurorisë në të gjithë nivelet.

3. Në ecurinë e zbatimit të masave të këtij plani veprimi, Drejtuesit e Seksioneve të Prokurorisë shqyrtojnë dhe kujdesen:

- të ndjekin, koordinojnë dhe monitorojnë në vazhdimësi zbatimin e masave në përputhje me afatet e percaktuara në planin e veprimit;
- të raportojnë për statusin e masave sipas fushës së përgjegjësisë së strukturës që drejtojnë;
- të ndërhyjnë dhe koordinojnë veprimet kur masat rezultojnë të pazbatuara;
- t'i raportojnë Drejtuesit të Prokurorisë me shkrim, çdo muaj për realizimin e masave dhe/ose aktiviteteve.

4. Me kërkesë të Drejtuesve të Seksioneve, ose kryesisht, Drejtuesi i Prokurorisë mund të thërrasë mbledhje të drejtuesve apo prokurorëve të prokurorisë për të vlerësuar ecurinë e zbatimit të masave të këtij plani veprimi.

5. Drejtuesi i prokurorisë, periodikisht çdo 3 (tre) muaj, dhe sa herë kërkohet, si dhe nëpërmjet raportit vjetor mbi ecurinë e punës së prokurorisë, informon Prokurorin e Përgjithshëm, për masat administrative dhe procedurale të marra për zbatimin e kërkesave të Rekomandimeve Prioritare të Këshillit të Ministrave, të shoqëruar me tregues statistikorë të saktë dhe analitik dhe me shpjegime të qarta mbi angazhimet, arritjet e problematikat, si dhe me vlerësimin si ka ndikuar zbatimi i kërkesave të rezolutës mbi gjendjen e kriminalitetit dhe performancën e prokurorisë.

6. Me këtë urdhër të njihen prokurorët, oficerët e policisë gjyqësore të seksionit dhe strukturave hetimore në shërbimet e policisë gjyqësore, si dhe nëpunësit e prokurorisë në të gjithë nivelet.

7.Një kopje e këtij urdhëri i'u komunikohet nëpërmjet postës elektronike zyrtare @pp.gov.al.

8.Një kopje e këtij urdhëri i dërgohet Prokurorisë së Përgjithshme për njohje.

9.Ky urdhër hyn në fuqi menjëherë.

**DREJTUESI I PROKURORISË**

**Kreshnik AJAZI**



A large, stylized handwritten signature in blue ink, consisting of several loops and a long vertical stroke, positioned to the left of the official stamp.





REPUBLIKA E SHQIPËRISË

PROKURORIA PRANË GJYKATËS SË SHKALLËS SË PARË  
E JURIDIKSIONIT TË PËRGJITHSHËM  
ELBASAN

PLANI I VEPRIMIT  
PËR ZBATIMIN E REKOMANDIMEVE PRIORITARE TË KËSHILLIT  
TË MINISTRAVE NË LUFTEN KUNDËR KRIMINALITETIT PËR  
VITIN 2023

Me qëllim për të unifikuar ndjekjen dhe zbatimin e Vendimit të Këshillit të Ministrave nr.226, datë 13.04.2023, "Për miratimin e rekomandimeve prioritare në luftën kundër kriminalitetit për vitin 2023", në kompetencë lëndore të Prokurorisë pranë Gjykatës së Shkallës së Parë të Juridiksionit të Përgjithshëm Elbasan me objektiv përcaktimin e masave administrative dhe procedurale që duhet të merren për realizimin e përparësive që sigurojnë zbatimin, hartohet ky plan veprimi.

**1. GARANTIMII PAVARËSISË DHE I PËRGJEGJSHMËRISË SË PROKURORIT**

1. Të merren masa për rritjen e rolit aktiv të prokurorit në hetimin paraprak, në funksion të shtimit të hetimeve të filluara kryesisht nga vetë organi i prokurorisë, duke ju kërkuar prokurorëve që në rastet që ata mund të marrin dijeni nga media apo informacionet që ata mund të administrojnë për shkak të funksionit të tregohen sa më aktivë për fillimin kryesisht të hetimeve. Afati : brenda 3 muajve.

2. Të nxiten prokurorët që të ushtrojnë kontroll efektiv në punën e OPGJ-ve, duke u inkurajuar ata që të evidentojnë rastet që duhen proceduar në rrugë disiplinore për shkak të zvarritjeve dhe mungesës së dilijencës në përmbushjen e detyrave që u ngarkon ligji. Afati : në vijim.

3. Të evidentohen shqetësimet dhe vështirësitë që hasin prokurorët dhe/ose oficerët e Policisë Gjyqësore të kësaj prokurorie lidhur me kuptimin dhe zbatimin e dispozitave të reja të ligjit penal e procedural penal, metodikat/protokollet e hetimit për vepra ose grupvepra penale dhe më pas të organizohen trajnime të oficerëve të Policisë Gjyqësore dhe prokurorëve duke ia paraqitur këto shqetësime Prokurorisë së Përgjithshme dhe Shkollës së Magjistraturës për të mundësuar trajtimin e tyre në programet e trajnimeve vazhduese. Afati : brenda muajit qershor.

4. Të merren masa për garantimin e paanshmërisë dhe shmangien e çdo lloj influence ose ndikimi ndaj prokurorit gjatë kryerjes së hetimeve, duke u inkurajuar prokurorët që të raportojnë pa asnjë hezitim rastet kur ndaj tyre është ushtruar ndonjë influencë apo ndikim i kundraligjshëm. Afati : në vijim.

5. Në kuadër të forcimit të mekanizmave të kontrollit dhe të llogaridhënies së prokurorit, nga Drejtuesi i Prokurorisë nëpërmjet kërkesave për informacion dhe udhëzimeve jo detyruese do të mundësohet kontrolli sipas parashikimeve ligjore, si dhe në rast se konstatohen shkelje të rënda do të informohen ILD-ja, Këshilli i Lartë i Prokurorisë dhe Prokurori i Përgjithshëm, kjo dhe në kuadër të zbatimit e monitorimit të udhëzimit të pergjithshem të Prokurorit të Përgjithshëm "Mbi rregullimin e marrëdhënieve mes prokurorëve dhe drejtuesve të prokurorisë,

informimin, transparencën dhe garantimin e pavaresisë, në prokuroritë me juridiksion të përgjithshëm. Afati : në vijim.

6. Do të identifikohen problemet dhe do të merren masa konkrete për përmirësimin e sistemit të menaxhimit të çështjeve” (CAMS) dhe PRESTO, duke bashkëpunuar ngushtë me Drejtorinë e IT-së dhe Drejtorinë Ekonomike dhe Financës në Prokurorinë e Përgjithshme, me qëllim rishikimin dhe mirëfunksionimin e sistemit elektronik të ndarjes së çështjeve, për sa i përket mënyrës së disponimit për çështje konkrete, gjykimet e posaçme, pasqyrimin e saktë të të dhënave në sistemin CAMS në të gjitha fazat e procedimit penal, si dhe kontrolli i vazhdueshëm mbi hedhjen dhe administrimin e këtyre të dhënave. Afati : në vijim.

7. Do të merren masa nëpërmjet tërheqjes së vëmendjes apo udhëzimeve detyruese për marrjen e masave për zbatimin nga prokurorët të rekomandimeve prioritare. Afati : në vijim.

8. Nga Drejtuesi i Prokurorisë dhe prokurorët e kësaj prokurorie do merren masa për të garantuar pavarësinë në vendimarrjen e tyre nga çdo ndërhyrje e paligjshme, duke siguruar zbatimin e kërkesave të ligjit si dhe duke reaguar proceduralisht në rastet e konstatimit të ndërhyrjeve të paligjshme. Afati : në vijim.

## **II. LUFTA KUNDËR KORRUPSIONIT**

1. Nga prokurorët e kësaj prokurorie duhet të rritet cilësia e hetimeve për veprat penale në fushën e korrupsionit që janë kompetencë lëndore e Prokurorisë pranë

Gjykatës së Shkallës së Parë të Juridiksionit të Përgjithshëm Elbasan, përfshirë përdorimin me efikasitet të teknikave pro-aktive të hetimit për aq sa është e mundur, si dhe duke rritur numrin e personave të hetuar dhe të dërguar për gjykim për këto vepra penale, si dhe ndjekjen me vendosmëri të kërkimeve për dënimin e autorëve të këtyre veprave. Afati : në vijim.

2. Nga prokurorët e kësaj prokurorie duhet të rritet numri i hetimeve pro-aktive pasurore dhe financiare, veçanërisht për rastet që lidhen me veprat penale në fushën e korrupsionit në kompetencë lëndore të kësaj prokurorie. Afati : në vijim.

3. Nga prokurorët e kësaj prokurorie duhet të synohet shtimi i numrit të hetimeve pro-aktive (çështje të filluara kryesisht) me qëllim përnirësimin e cilësisë së hetimeve të veprave kundër korrupsionit, në kompetencë lëndore të kësaj prokurorie. Afati : në vijim.

4. Do të synohet shtimi i numrit sistematike pasurore dhe hetimit për veprat penale që gjenerojnë produkte/të ardhura, si dhe shtimi i aseteve të sekuestruara/konfiskuara. Afati : në vijim.

5. Do të synohet zhvillimi i kapaciteteve profesionale nëpërnjet trajnimeve të përbashketa me fokus në luftën kundër korrupsionit me agjensitë e zbatimit të ligjit, si dhe me oficerët e policisë gjyqësore. Afati : në vijim.

6. Do të ndiqen me përparësi kallëzimet/çështjet penale që kanë të bëjnë me veprat penale që prekin zgjedhjet e lira dhe sistemin demokratik të zgjedhjeve, duke kryer hetime të plota, të paanshme, të shpejta, me profesionalizëm dhe me

efektivitet, në bashkëpunim me të gjitha agjencitë ligjzbatuese dhe SPAK-un.  
Afati : në vijim.

7. Prokurorët e kësaj prokurorie të jenë aktivë dhe aplikimin e masave të sigurisë me natyrë ndaluese mbi personat zyrtarë publik mbi të cilët ka dyshime për kundërligjshmëri në kryerjen e detyrave të tyre. Afati : në vijim.

8. Prokurorët e kësaj prokurorie vlerësojnë ashpërsimin e politikës penale përsa i takon masave të sigurimit personal dhe llojeve dhe masave të dënimit ndaj të pandehurve për vepra penale të kultivimit të narkotikëve, dhuna në familje, dhuna me bazë gjinore, krimet seksuale, krimet mjedisore, krimet ndaj të miturve, krimet e rënda, trafiket e paligjshme dhe veprat e tjera penale të rekomanduara. Afati : në vijim.

9. Prokurorët e kësaj prokurorie vlerësojnë aplikimin e masave ndaj pasurisë me burim kriminal sipas kriterëve të K.Pr.Penale dhe ligjit nr.10192/2009 si dhe rrisin kujdesin e nevojshëm për ndjekje penale efektive të rasteve të pastrimit të produkteve të veprës penale. Të realizohen sekuestime asetesh me prejardhje të dyshuar kriminale. Afati : brenda muajit dhjetor 2023.

10. Prokurorët e kësaj prokurorie vlerësojnë ndjekjen me dilijencë dhe përparësi, kur është rasti edhe me metoda speciale hetimi dhe në bashkëpunim të ngushtë me policinë e shtetit, procedimet penale për vepra penale të kultivimit të narkotikëve, krimet e rënda, trafiket e paligjshme, dhuna në familje, dhuna me bazë gjinore, krimet seksuale dhe veprat e tjera penale të rekomanduara. Afati : në vijim.



11. Prokurorët e kësaj prokurorie vlerësojnë aplikimin, në rastet e procedimeve penale ndaj vepra penale prioritare të rekomanduara, të metodave speciale të hetimit dhe mjeteve për kërkimin e provës të tilla si përgjime të telekomunikimeve, përgjime dhe vëzhgime ambjentale në vende private dhe publike, veprime simuluese, lidhjen e marrëveshjes së bashkëpunimit me bashkëpunëtorin e drejtësisë, kontrollet e vendeve, sekuestrimet e të dhënave bankare, elektronike etj. Afati : në vijim dhe dinamikë.

12. Drejtuesi i Prokurorisë dhe prokurorët e kësaj prokurorie tregojnë dilijencën e duhur për të iniciuar kryesisht dhe rritur numrin e hetimeve pasurore përse i takon hetimit dhe gjurmimit të pasurive të dyshuara me burim kriminal, për plotësimin e rekomandimeve të Moneyval, duke utilizuar edhe bashkëpunimin rajonal si dhe me Eurojust. Afati : në vijim dhe dinamikë.

13. Prokurorët e kësaj prokurorie vlerësojnë ashpërsimin e politikës penale, forcimin e dilijencës në hetime dhe rritjen e vëmëndjes në hetimin dhe gjykimin e efektiv të krimeve zgjedhore, rrisin bashkëpunimin e shërbimet e policisë gjyqësore në institucione të tjera. Afati : në vijim dhe dinamikë.

### **III. LUFTA KUNDËR KRIMIT TË ORGANIZUAR**

1. Nga prokurorët e kësaj prokurorie duhet të forcohet më tej bashkëpunimi ndërinstytucional ndërmjet strukturave të prokurorisë, policisë gjyqësore, policisë së shtetit dhe agjensive të tjera shtetërore, për zbatimin e objektit dhe qëllimin e ligjit për masat parandaluese në kuadër të forcimit të luftës kundër terrorizmit, krimit të organizuar, krimeve të rënda dhe konsolidimit të rendit e sigurisë publike. Afati : në vijim.

2. Do të synohet përmirësimi i cilësisë së hetimeve për veprën penale të pastrimit të produkteve të veprës penale në funksion të rritjes së numrit të çështjeve dhe të pandehurve të dërguar për gjykim dhe përdorimit të teknikave speciale të hetimit, veçanërisht në rastet e hetimeve pasurore. Afati : në vijim.

3.Do të synohet fuqizimin i bashkëpunimit ndërkombëtar nëpërmjet hartimit në kohë të letërporosive, në funksion të efektivitetit të hetimeve për veprat penale që lidhen sidomos me trafikimin e narkotikëve, pastrimit të parave, financimin e terrorizmit, trafikimin e qenieve njerezore, etj. Afati : në vijim.

4. Prokurorët e kësaj prokurorie vlerësojnë ashpërsimin e politikës penale përsa i takon masave të sigurimit personal dhe llojeve dhe masave të dënimit ndaj të pandehurve për vepra penale të kultivimit të narkotikëve, dhuna në familje, dhuna me bazë gjinore, krimet seksuale, krimet e rënda, trafiket e paligjshme dhe veprat e tjera penale të rekomanduara. Afati : në vijim.

5. Prokurorët e kësaj prokurorie vlerësojnë aplikimin e masave ndaj pasurisë me burim kriminal sipas kriterëve të K.Pr.Penale dhe ligjit nr.10192/2009 si dhe rrisin kujdesin e nevojshëm për ndjekje penale efektive të rasteve të pastrimit të produkteve të veprës penale. Të realizohen sekuestrime asetesh me prejardhje të dyshuar kriminale. Afati : brenda muajit dhjetor 2023.

6. Prokurorët e kësaj prokurorie ndjekin me dilijencë dhe në afat plotësimin e kërkesave nga autoritetet e huaja për ndihmë juridike në fushën penale. Afati : në vijim.

7. Prokurorët e kësaj prokurorie vlerësojnë ndjekjen me dilijencë dhe përparësi, kur është rasti edhe me metoda speciale hetimi dhe në bashkëpunim të ngushtë me policinë e shtetit, procedimet penale për vepra penale të kultivimit të narkotikëve, krimet e rënda, trafiket e paligjshme, dhuna në familje, dhuna me bazë gjinore, krimet seksuale dhe veprat e tjera penale të rekomanduara. Afati : në vijim.

8. Prokurorët e kësaj prokurorie vlerësojnë aplikimin, në rastet e procedimeve penale ndaj vepra penale prioritare të rekomanduara, të metodave speciale të hetimit dhe mjeteve për kërkimin e provës të tilla si përgjime të telekomunikimeve, përgjime dhe vëzhgime ambjentale në vende private dhe publike, veprime simuluese, lidhjen e marrëveshjes së bashkëpunimit me bashkëpunëtorin e drejtësisë, kontrollet e vendeve, sekuestrimet e të dhënave bankare, elektronike etj. Afati : në vijim dhe dinamikë.

9. Prokurorët e kësaj prokurorie inkurajohen të vlerësojnë lidhjen e marrëveshjes së bashkëpunimit me bashkëpunëtorin e drejtësisë, nëse janë kushtet ligjore. Afati : në vijim dhe dinamikë.

10. Drejtuesi i Prokurorisë vlerëson ngritjen dhe krijimin e grupeve hetimore për çështje penale dhe hetimeve komplekse. Afati : në vijim.

#### **IV. FORCIMI I RESPEKTIMIT TË TË DREJTAVE TË NJERIUT**

1. Nga prokurorët duhet të synohet shtimi i numrit të rasteve të zbatimit të instrumenteve lehtësuese penale (marrëveshje, urdhri penal) dhe rritja e rasteve të gjyqimit të drejtperdrejtë, me synim hetimin dhe gjykimin e çështjeve penale në

një afat sa më të shpejtë, duke mbajtur në konsideratë kompleksitetin, rrezikshmërinë e veprës, si dhe duke ruajtur efikasitetin dhe cilësinë e hetimeve. Afati : në vijim.

2. Do të synohet nxitja e aplikimit të dënimeve alternative në rastet e veprave penale dhe/ose autorëve me rrezikshmëri të ulët shoqërore, veçanërisht në rastet e të miturve, personave vulnerabël dhe personave me probleme shëndetësore. Afati : në vijim.

3. Do të vijojë ashpërsimi i masave të sigurimit dhe masës së dënimit për veprat me natyrë gjinore, seksuale dhe diskriminuese, si dhe për rastet e keqtrajtimit/abuzimit/shfrytëzimit të trafikimit të fëmijëve. Afati : në vijim.

4. Do të synohet rritja e cilësisë së hetimeve dhe ashpërsimi i politikës penale për autorët e veprës penale të dhunës në familje. Afati : në vijim.

5. Nga prokurorët e kësaj prokurorie të rritet numri i referimeve për procedime disiplinore mbi oficerët e policisë gjyqësore, të seksionit ose shërbimeve, të cilët konstatohen që me veprimet ose mosveprimet e tyre sjellin pasoja mbi procedimet penale që kanë në ndjekje. Afati : në vijim.

6. Prokurorët e kësaj prokurorie vlerësojnë marrjen e masave të nevojshme procedurale për të siguruar rritjen e gjykimeve të posaçme, të tilla si gjykimet me marrëveshje dhe aplikimin e urdhërave penale si dhe të gjykimeve të drejtpërdrejta. Afati : në vijim.

7. Prokurorët e kësaj prokurorie vlerësojnë rritjen në aplikimin e masave të shmangies nga përgjegjësia penale për të miturit në konflikt me ligjin si dhe të masave alternative të dënimit penal me burg. Afati : në vijim.

8. Prokurorët e kësaj prokurorie vlerësojnë ashpërsimin e politikës penale për sa i takon masave të sigurimit personal dhe llojeve dhe masave të dënimit ndaj të pandehurve për vepra penale të kultivimit të narkotikëve, dhuna në familje, dhuna me bazë gjinore, krimet seksuale, krimet e rënda, trafiket e paligjshme dhe veprat e tjera penale të rekomanduara. Afati : në vijim.

## **V. FORCIMI I BASHKËPUNIMIT NDËRINSTITUCIONAL**

1. Nga prokurorët duhet të punohet për konsolidimin e bashkëpunimit nëpërmjet nxitjes për shkëmbim të të dhënave, kryerjes së analizave të përbashkëta për rastet e referuara, shkëmbimit dhe kërkimit të ekspertizës, krijimin e procedurave standarde hetimore me të gjitha agjencite ligjzbatuese dhe institucioneve kombëtare dhe ndërkombëtare në funksion të hetimit të specializuar, të shpejtë dhe të gjithanshëm të grupeve kriminale me rrezikshmëri të lartë shoqërore dhe lehtësimeve proaktive që lidhen me veprat penale në fushën e pastrimit të parave, pastrimit të të ardhurave nga aktivitetet kriminale dhe terrorizmit. Afati : në vijim.

2. Do të synohet forcimi i efektivitetit të hetimeve ndaj subjekteve që priren të kryejnë evazion fiscal ose doganor, por edhe nëpunësve publike të administratës tatimore dhe asaj doganore, nëpërmjet bashkëpunimit me strukturat përkatëse tatimore dhe doganore, apo agjensi të tjera ligjzbatuese. Afati : në vijim.

3.Do të synohet forcimi i kapaciteteve të seksionit të posaçëm kundër pastrimit të parave, krimeve financiare, financimin e terrorizmit dhe hetimet pasurore me qëllim rritjen e numrit dhe cilësisë së hetimeve për veprat penale në kompetencë të këtyre seksioneve. Afati : brenda muajit dhejtor 2023.

4.Do të synohet që të përfshihen në kryerjen e veprimeve të përbashkëta hetimore oficerët e shërbimeve të tjera të policive gjyqësore, sidomos për rastet e referuara në prokurori prej tyre, në respektim të parimit për të caktuar si OPGJ oficerin e strukturës referuese. Afati : në vijim.

5.Duhet të synohet zhvillimi i kapaciteteve profesionale nëpërmjet trajnimeve të përbashkëta me oficerët e policive gjyqësore në drejtim të ligjshmerisë së veprimeve hetimore dhe vlerës së provave, veçanërisht në rastet e hetimeve financiare, evazionit fiskal dhe krimit kibernetik. Afati : në vijim.

6. Të kërkohet nga Komisioni i Policisë Gjyqësore menaxhimi mbi baza ligjore dhe profesionale i karrierës së policisë gjyqësore pasi konstatohen gjatë vitit 2023 lëvizje të shumta, të pa arsytura, të pa argumentuara, jo të studiuara dhe jo sistematike të oficerëve të policisë gjyqësore të seksionit duke krijuar pengesa, vështirësi dhe kaos në veprimtarinë e prokurorisë. Afati : në vijim.

7. Drejtuesi i Prokurorisë dhe prokurorët e kësaj prokurorie marrin masat e nevojshme për të forcuar kontrollin dhe drejtimin ndaj policisë gjyqësore në hetimin e çështjeve penale si dhe për nxjerrjen e përgjegjësive për oficerët e policisë gjyqësore që me veprimtarinë e tyre sjellin pasoja në ndjekjen penale. Afati : në vijim.

8. Drejtuesi i Prokurorisë merr masat e nevojshme për të koordinuar punën hetimore me institucionet e tjera që kanë në varësi struktura që ushtrojnë atributet e policisë gjyqësore, veçanërisht me policinë e shtetit, strukturat e hetimit tatimor, doganor etj. Afati : në vijim.

9. Prokurorët e kësaj prokurorie ndjekin me diligjencë dhe në afat plotësimin e kërkesave nga autoritetet e huaja për ndihmë juridike në fushën penale. Afati : në vijim.

10. Drejtuesi i Prokurorisë merr masat e nevojshme administrative për rritjen e transparencës dhe llogaridhënies në veprimtarinë e Prokurorisë pranë Gjykatës së Shkallës së Parë Elbasan. Afati : në vijim.

11. Drejtuesi i Prokurorisë dhe prokurorët e kësaj prokurorie tregojnë diligjencën e duhur për të pasur një bashkëpunim korrekt dhe në kohë reale me strukturën e posaçme SPAK për fakte që vihen në dijeni të cilat përfshihen brenda sferës së veprimit dhe kompetencës hetimore të kësaj strukture. Afati : në vijim.